

Julgamentu Kazu Topu Honis Hahu Ohin Loron, RD no Vitima nain 6 Sei Marka Prezensa

neonmetin.info/buletin/2021/07/05/julgamentu-kazu-topu-honis-hahu-ohin-loron-rd-no-vitima-nain-6-sei-marka-prezensa/

July 5, 2021



Reportajen Zevonia Vieira

Ohin loron 5 Jullu julgamentu ba kazu Topu Honis sei halao iha tribunal distritál Oe-usse. Liu hosi telefone ba Neon Metin Prokurador Titular ba kazu Topu Honis, Dr. Matias Soares hateten tuir planu sei hahu iha oras tuku 09:00 dadersan.

Tuir Dr. Matias Soares katak parte arguido no vítima nian sira hotu kompletu hodi partisipa iha prosesu julgamentu

“RD mos iha, ema hotu kompletu, vítima sira kuaze kompletu, testemuña notifikadu hotu, ne’ebe mak hela iha Oe-cusse, hela iha fatin seluk, hela iha estranjeiru sira notifikadu hotu kedas”, dehan Dr. Matias via telefone ba Neon Metin, 05/07.

Karik sira ne’ebe hela iha estranjeiru sei hatoo sira nia sasin via video call? Ba Neon Metin Prokurador Titular ba kazu Topu Honis ne’e hatan katak, ida ne’e mak sedauk hatene loloos, maibe sei hatene orsida oinsá nia prosesu.

“Sera que sira ne’ebe hela iha Australia sei uza video conference ou sira balun hakarak mai Timor-Leste, ida seluk ne’ebe hela iha Amerika karik uza video conference ou sira hakarak mai Timor-Leste. Ida ne’e ami sedauk hatene loloos, orsida mak ami foin hatene”, Dr. Matias informa.

Dr. Matias informa katak iha julgamentu ohin loron nian, vítima nain neen (6) mak sei hatoo sira nia sasin, balun mai hosi Dili, balun hela iha Oe-cusse, “maibe agora dadauk sira hotu iha Oe-cusse ona”.

Tuir planua julgamentu sei hahu hosi loron 5 to’o 30 Jullu, *“ida ne’e markadu hotu kedas, katak julgamentu sei halao lor-loron”.*

Prosesu julgamentu ba kazu Topu Honis adia bebeikona ba dala haat (4) no ohin loron 5 Jullu sei hahu fila fali. Kazu Topu Honis mak nudar kazu pedofilia ne’ebe mosu dahuluk ih Timor-Leste, involo hosi eis padre RD hosi kongregasaun Society of the Divine Word (SVD), no RD hetan konfirmasaun kazu abuzu sexual, violensia domestika no pornografia labarik.

Julgamentu Topu Honis Hahu Ohin, Sasin nain 5 Fo Deklarasaun

neonmetin.info/buletin/2021/07/05/julgamentu-topu-honis-hahu-ohin-sasin-nain-5-fo-deklarasau/

July 5, 2021



Reportajen Jhoe Exposto

Julgamentu ba kazu Topu Honis ne'ebe ohin hahu ona iha loron 5 jullu iha tribunal distritail Oe-cusse, hahu hosi oras tuku 9:30 otl

Iha terenu jornalista Neon Metin observa katak durante prosesu julgamentu familia vitima hanesan inan aman sira asiste deit iha liur tanba julgamentu ne'e rasik taka publiku no julgamentu ba ohin loron sasin nain 5 mak hatoo deklarasaun.

Iha dadersan antes julgamentu ne'e hahu arguidu RD hakat ba Tribunal Distrital Oe-cusse (TDO) ho kareta Toyota no hetan seguransa hosi Batalho Orden Publiku (BOP) no sasin sira uza kareta bus Topu Honis. Bainhira RD hakat ain, hodi tama ba sala julgamentu, iha labarik ida tanis ho lian makaas hasoru RD.

RD rasik hetan seguransa masimu husi Segundu Komandante Superidentente Nikolau F. da Costa, Polisia nasional Timor Leste (PNTL) rejaun Oe-ccuse, ho BOP inklui seguransa sivil rejaun Oe-cusse.

Julgamentu ba arguidu RD prezide husi Juiz koletivu Yudi Pamungkas, Dr. Hugo da Cruz Pui, Dr. Evangelino Belo, hosi Defensor Publiku mak Dr. Marcelino Marques Coro, Dr. Miguel Acacio Faria, Dr. Joao Dung. Enkuantu hosi Ministeriu Publiku mak Dr. Matias Soares, Dr. Ambrosio Rangel no Dr. Alvaro Barros.

Prosesu julgamentu ne'e hahu hosi tuku 09:30 to'o tuku 12:00 oras meudia, kontinua fali iha oras tuku 14:00 to'o tuku 15:30 otl.

6 Jullu, Tribunal Kontinua Rona Deklarasaun Husi Sasin nain 5 Ba Kazu Topu Honis

neonmetin.info/buletin/2021/07/06/6-jullu-tribunal-kontinua-rona-deklarasaun-husi-sasin-nain-5-ba-kazu-topu-honis/

July 6, 2021



Reportajen Jhoe Exposto

Prosesu julgamentu loron daruak ba kazu abuzu sexual ba labarik minoridade ne'ebe komete husi responsavel orfanatu Topu Honis iha Oe-cusse Ambeno.

Julgamentu ba loron rua nian iha Tribunal Distrital Oe-cusse, juiz sira kontinua rona deklarasaun hosi sasin nain lima husi advogadu arguidu nian.

Tuir observasaun Neon Metin iha Tribunal Distrital Oe-cusse, hare katak advogadu hosi parte arguidu nian hahu tama ba sala julgamentu, liu minutu balun RD mos tama ba sala refere no sasin nain lima tir kedan rama ba sala julgamentu hodi hatoo sira nia deklarasaun. Entretantu RD tama ba sala julgamentu kuaze oras tolu no sai fali iha oras 12.13 otl.

Durante loron tomak prosesu julgamentu RD hetan seguransa másimu ho Segundu Polisia Nasional Timor-Leste (PNTL), rejaun Oe-cusse, Komandante Superidentente Nicolau da Costa no membro Batallo Orden Públiku (BOP)

Julgamentu nee prezide husi Juiz koleтиву Dr.Yudi Pamungkas Dr.Hugo Cruz Pui, Dr. Evangelino Belo no Defensór Dr. Joao Dun.

Husi parte Ministériu Públiku, Dr. Matias Soares, Dr. Ambrosio Rangel, Dr. Alvaro Baros husi JU,s no inklui Alfela Juliana Meni.

Observasaun Neon Metin iha area TDO hatudu situasaun hakmatek no inan aman husi labarik orfanatu Topu Honis Kutete, tur hein iha liur to'o prosesu julgamentu ne'e remata. Iha prosesu julgamento ba loron daruak 06/07 nian, hahu iha oras 09:22 to'o oras 12:12 otl, no kontinua fali iha tuku 14:00 to'o tuku 17:30 otl.

07 Jullu, Tribunal Kontinua Rona Deklarasaun Husi Sasin ba Kazu Topu Honis

neonmetin.info/buletin/2021/07/07/07-jullu-tribunal-kontinua-rona-deklarasaun-husi-sasin-ba-kazu-topu-honis/

July 7, 2021



Reportajen Jhoe Exposto

Prosesu julgamentu ba kazu abuzu sexual ba labarik minoridade Topu Honis kontinua ba loron da toluk ne'ebe deskonfia komete husi RD.

Julgamentu ba kazu RD ne'ebe halao loron 3 ona, Ministériu Públiku nafatin rona deklarasaun husi sasin nain 5 ne'ebe aprezena husi advogadu RD.

Observasaun Neon Metin iha area Dores Tribunal Distrital Oe-cusse (TDO) katak iha prosesu julgamentu dahuluk Ministériu Públiku rona uluk sasin nain rua, ne'ebé aprezena husi Advogado privadu RD, prosesu julgamentu loron segundu Ministériu Públiku rona tan deklarasasaun husi sasin nain ida, no iha loron ohin, TDO liuhusi Ministériu Públiku rona tan sasin nain rua.

Bainhira prosesu julgamentu remata RD sai husi sala julgamentu akompañia husi Segundu Komandante PNTL Rejiaun Administrativa Especial Oe-Cusse Ambeno Nicolau F Da Costa inklui membro Batalhao Ordem Publiku (BOP).

Julgamentu ne'ebe hala'o durante loron tolu ona prezide husi Juiz koleтиву Dr. Yudi Pamungkas, Dr. Hugo da Cruz Pui no Dr. Evagelino Belu.

Defensor públiku mak Dr.Marcelino Marques Corro, Dr. Jaoa Dhung, Dr. Mingel Acasio Faria, hus Ministériu Publiku mak Dr. Matias Soares, Dr.Amrogio Rangel, Dr.Olivio Barros husi JU,S no Juliana Taiboco husi Alfela no JSMP.